

李文忠公全書

奏稿

卷

四十三
四十四

李文忠公奏稿

卷之四十三目錄

請派巴西換約大臣摺

光緒八年正月十四日

清理東淀摺

光緒八年正月二十日

滹沱入子牙辦法摺

光緒八年正月二十日

籌濬東淀河道摺

光緒八年正月二十日

各軍承辦永定南運河工片

光緒八年正月二十日

李朝儀捐建專祠片

光緒八年正月二十日

東海關緩解京餉片

光緒八年正月二十日

遵撥塔城礮彈摺

光緒八年正月二十五日

查覆盛慶兩軍摺

光緒八年正月二十五日

量減旗租經徵處分摺

光緒八年二月初四日

三廳荒地查辦完竣摺

光緒八年二月初四日

請假省母摺

光緒八年二月三十日

覆陳駕駛兵船回華獎案片

光緒八年三月初三日

永屬官鹽督銷摺

光緒八年三月初三日

籌辦朝美議約摺

光緒八年三月初六日

創設廣仁堂摺

光緒八年三月初六日

查明買併旗昌花紅摺

光緒八年三月初六日

覆查盛宣懷片

光緒八年三月初六日

試辦織布局摺

光緒八年三月初六日

查覆津關常稅摺

光緒八年三月初六日

馳報丁憂摺

光緒八年三月初七日

謝賜祭摺

光緒八年三月十一日

懇請終制摺

光緒八年三月十一日

再懇終制摺

光緒八年三月二十一日

李文忠公奏稿卷四十三

全集一之四十三

桐城吳汝綸編錄

請派巴西換約大臣摺

光緒八年正月十四日

奏爲請

旨欽派大臣與巴西國互換條約恭摺仰祈

聖鑒事竊查巴西國前派使臣喀拉多穆達等來華議約於光緒六年六月內奏奉

諭旨派

臣

爲全權大臣與該使臣等會議商訂嗣因原訂約款內

有應行商改之處復於光緒七年八月內經

臣遵

旨與喀拉多將兩國和好通商條約會議增改畫押蓋印並於約內第十七款載明俟兩國

御筆批准或在上海或在天津彼此卽行互換疊經專摺奏明在

案茲准巴西國使臣喀拉多照會兩國條約今奉本國外部電咨業經批准擬度本國約本不日可到照請訂明互換條約宜在何處等情前來臣溯查同治年間丹荷比義奧各國先後遣使來華均蒙

欽派全權大臣在天津與之議約嗣奉

御筆批准後有在上海互換者隨時請

旨遵辦茲查喀拉多現在上海應否

特派大員卽在上海與之互換抑應飭令來津恭候

欽派大臣互換之處臣未敢擅擬相應據情請

旨伏候

命下卽由臣照覆該使臣欽遵辦理並由總理各國事務衙門照案將條約原本發交換約之員祇領遵辦除照錄巴西使臣照會

恭呈

御覽外所有擬請

派員互換條約緣由理合恭摺由驛具陳伏乞

皇太后

皇上聖鑒訓示謹

奏

Blank manuscript page with vertical columns.

清理東淀摺

光緒八年正月二十日

奏爲東淀水道多被民間侵種亟須設法清理恭摺仰祈

聖鑒事竊臣欽奉光緒七年十一月十二日

寄諭有人奏直隸卸署文安縣知縣陳紹湛在署任時妄議加增稅銀藉端勒捐因案納賄諱盜爲竊各等語著李鴻章童華游百川按照所參各款秉公查明據實參辦等因欽此除原奏陳紹湛藉端勒捐因案納賄諱盜爲竊各款或有案可稽或須提訊人證俟臣等詳細查明另行據實奏辦外其所參加增稅銀一款係指現議清查東淀地畝而言查東淀本甚寬廣東西一百四五十里南北六七十里係爲大清等河尾閘蓄洩之區關係至重乾隆三十七年奉

上諭淀泊利在寬深其旁閒有淤地不過水小時偶然涸出水至

仍當讓之於水方足以暢蕩濛而資瀦蓄嗣後毋許復行佔墾違者治罪等因欽此煌煌

聖訓極應永遠遵行乃附近鄉民逐漸侵種百數十年來竟已佔去淀地大半現存者不及三分之一臣往來津沽親見叢蘆密葦彌望無涯不特難容多水卽淀中舊有河道亦因而淤墊重煩官款挑挖該淀旣節節壅滯上游各河遂泛濫爲災動關全局及今不治再閱數十年將東淀胥爲平陸矣乾隆年間臣高斌雖有河淀淤地准民墾種之奏然只准墾種無礙水道之地又聲明已報升科者應改爲租息分別上等次等每畝定爲租銀八分六分三分以充河工歲費每戶種地不得過百畝仍嚴禁紳衿胥役豪強詭名佔踞今則不論有無關礙水道概行侵種且多係豪強佔踞每戶竟至數十頃所呈契串大半假借隱射其糧額則從他

處割裂飛灑並非現種淀地之糧該業戶等既侵佔淀地又飛灑糧額實屬有心朦混本應照例治罪撤地入官惟念愚民不知例禁相沿已久或輾轉價買衣食所資未便一律禁絕不得不變通辦理當於去秋飭派奏調差委道金福曾天津道吳毓蘭督同沿淀霸州文安大城靜海四州縣斟酌查辦令將實係礙水之地仍讓於水其餘飭各業戶將種地若干完糧若干自行據實報出聽候派員勘丈其有糧額者雖不免飛灑情弊暫先就糧核地仍歸原業戶承種其無糧額者亦仍歸原戶並援照前督臣高斌奏案酌改租息以充治河經費旋據金福曾等酌擬章程四條一曰定界址凡有礙水道及現在水深數尺尙有淀形之處應留出以資蓄水永遠不准栽葦墾種其中有完納葦課水泊等糧者查明奏請豁免若稍礙水道而久被淤墾驟難收回者令於地中多開溝

渠使水至仍可流貫一曰設堡船淀中須藉堡船奴夫撈泥挖淺
凡礙水之蘆葦草隨時芟刈以期日久見功應就所收租息多
寡以定船數一曰議租息凡不甚礙水道地畝有糧額者就糧核
地照舊完納無糧者從輕議租上等以每畝三分爲率次則遞減
惟淀中漲涸無定無庸升科此後若礙水道仍應停種免租讓地
於水所收租息卽作堡船經費一曰均差徭淀地皆在水濱升科
尙且不便何況差徭乃州縣苛派書役需索大戶則隱射邀免盡
累貧民應體察分別裁減均平以昭公允以上各條實係因時制
宜格外從寬查霸州文安大城靜海舊例葦課自數釐至六分不
等文安淀地租自三分至八分不等靜海有至一錢六分者乃原
奏謂舊例自數釐至一分八釐而止並未考查明確現議有糧之
地照舊完納無糧之地上等每畝租銀三分次則遞減並無將久

經奏定之租額加納八分六分之事且侵種者並未遵照

列聖諭旨撤地治罪亦未限以畝數轉予輕議租息尙得謂爲加稅聚斂耶此案係臣派員查辦亦非陳紹謚所能妄議前聞各戶中有刁劣之徒侵種多頃久不完糧因而造謠煽惑希冀把持罔利是以傳聞失實事關清理東淀水道斷難中止致誤全局臣飭金福曾等督同印委各員悉心體察持平核辦如再有造謠阻撓及任意隱佔者應查實分別革究並將無糧之地入官庶淀地可漸疏通水道不致阻滯所有東淀多被侵種設法清理情形理合會同兼管順天府府尹臣童華順天府府尹臣游百川恭摺覆陳

伏乞

皇太后

皇上聖鑒謹

奏

奏

奏

奏

奏

奏

奏

奏

奏

奏

奏

奏

渟沱入子牙辦法摺

光緒八年正月二十日

奏爲渟沱已復子牙故道應將獻縣新河開寬以資汛漲暢洩並
修築獻縣以下子牙河兩岸隄工用衛田廬現經籌定辦法恭摺
仰祈

聖鑒事竊上年十一月欽奉

皇太后懿旨恭親王醇親王奏察看河工情形一摺此外應行修
濬處所著李鴻章等查勘奏明辦理以興水利而裕民生等因欽
此遵查渟沱爲直省五大河之一向稱巨浸本由子牙河達津歸
海自同治七年由藁城北徙汜濫橫流經晉州深澤深州安平饒
陽灌入古羊河下穿獻縣肅甯河間任邱雄縣保定霸州大城境
內而歸文安大窪其藁城南入子牙河故道疊次勘查沙淤極深
不能挽復而現行古羊河下游並無出路沿河州縣受害甚廣文

安一帶久成澤國

臣幾經設法籌度

須於獻縣朱家口古羊河東

岸用闢減河使其分歸子牙前派道員史克寬詳細察勘妥議卽於去春開工自朱家口起至子牙河止計長三十三里零平地挑挖口寬十一丈至十五丈底寬五丈至十二丈高處挖深一丈九尺最窪處挖深七尺於兩岸五六丈外出土堆築南北新隄底寬五六丈頂寬二丈二三尺高一丈三四尺地形極順深得吸川之勢夏閒工竣開壩大溜東趨竟將原走古羊河之滹水全行奪入新河復歸子牙故道古羊下游卽已斷流獻縣至文安九州縣頓除十餘年之積患卽獻縣以上州縣亦獲暢消之利實爲始念所不及官民同深慶幸已疊次奏蒙

聖鑒在案惟原開獻縣新河本擬分減滹水未克展寬河身今旣奪滹沱全溜勢兼力猛誠慮水大難容復蹈舊轍必將新河加寬

俾得暢洩而資經久又獻縣河閒青縣靜海大城文安等六縣原有子牙河兩岸隄工五百餘里爲各縣田廬保障因滹沱北徙年久失修大半塌廢今滹水旣歸子牙故道必將通工重加修築庶免旁溢之虞復飭清河道史克寬天津道吳毓蘭候補知府惲桂孫等分投履勘妥細籌議據史克寬稟稱獻縣新河應就北面酌量開寬三四五六丈地勢高者挖深丈餘窪者挖深五六尺原出廢土離河五六丈今再於北面移出十丈除挖寬河身三四五六丈外河岸離隄尙有十丈之遠設遇汛漲出槽可使暢流仍以廢土爲隄與南岸之隄對峙其兩隄之遠近較上游古羊下游子牙兩隄相等上下形勢聯絡一律計挑河移隄合土六十六萬餘方至原建李謝留鉢野廠三村橋座應拆修加長以免河寬橋窄阻扼水路其宋家房土壩係堵截滹水不復下趨古羊最關緊要應